

Transkription von Urkunde MGD 1486a

Ort, Datierung: Magdeburg, 1486-07-13

Signatur: Stadtarchiv Halberstadt, Z 04, 19

Vnsen fruntliken denst thouorn Ersamen bsundern guden frunde dangh ? / v(m)me midden morgen
tyd dages is eyne breff an eynen guden frundt / Invoranderynge vnd(e) vnbekendlicheid synes namen
vnd(e) wiltloiffziger ? / schimplicheid vnd(e) vorwildinge Ingeheyme gesand i(t)c an vns vord /
geschicket So Juwe leue wol vornemende werden(n) vnd(e) Juk nach vor / wanten dyngen nicht
hebben mogen vor entholden , dar uth vnd(e) opp / Juwe leue so wy nicht entwyueln des besten gy
mogen wol willen / vorsehn vnd(e) , de dyng In achte hebben Vnd(e) ok guden frunde mochte / gy
dat ok van stundt vnsen frunden van Goszler Ingeheyme / vorwitliken were gudt vnd(e) wol van noden ,
so wy nicht entwy/uelen gy wol don willen(n) hir Juwe ? gy alles dat beste wol besynne(n) / vnd(e)
eysodans Ingeheymste by Juk wol beholden willen Vnd(e) / wur mede wy Juwer leue vorder towillen
vnd(e) denste syn mogen / don wy gerne Geschreuen vnder vnser Stad Secret am don/redage
Margarete virginis et martiris anno i(t)c lxxxvj^{co} / Radman vnd Jnnugismeister(e) / der alden Stad
Magdeborch